

VOORBLAD

25 Augustus 2011

Jaargang 4 – Uitgawe 28

In hierdie uitgawe

- Voorblad
- Beroepe en standpasse
- Predikante en gemeentes
- Ander nuus
- Agterblad



Teken in op e-Hervormer en ontvang elke uitgawe gratis per e-pos!

- Besoek die webwerf by www.hervormer.co.za en kliek op die "Teken in"-opsie; of
- stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produktsie@nhk.co.za

Lyding en oorwinning

Die Hervormde Kerk is die afgelope week gesok toe die Kerk deur van haar eie lidmate in die Hooggereghof gedagvaar is om die apartheidbesluit van verlede jaar se Algemene Kerkvergadering (AKV) nietig verklaar te kry. Die dagvaarding is 'n skakel in 'n lang ketting van onverkwiklike twis oor die apartheidbesluit.

In so 'n onverkwiklike twis word dit dikwels moeilik om te sê wie die oorsaak is en wie skuldig is en wie onskuldig is. Wat waar is, is dat dit die eer van God aantas en die Hervormde Kerk oneindig skade en verleenheid berokken. Sommige verkwalik die dosente wat die voorstel gemaak het dat dit hulle is wat voortdurend kontroversiële sake die Kerk inbring. Sommige verkwalik diegene wat op allerhande wyses beswaar maak teen die besluit vir onkerklike en onchristelike optrede wat die twis opjaag. Ook die Kommissie van die AKV word verkwalik vir die wyse waarop hulle dit hanteer het. Om na skuldiges in die proses te soek, sal tans nie die probleem oplos nie. Gemoedere loop so hoog en die gesprek wat daar nog is, is so emosioneel belaai dat dit eintlik nie snaaks is dat die twis op dié wyses gevoer word nie.

Dat gelowiges mekaar voor 'n wêreldlike hof daag, is natuurlik onaanvaarbaar. Die Kerkorde spel dit uit. Jesus het daarteen gewaarsku (Luk 12: 57-58 en Matt 5: 25-26), en Paulus het dit skerp veroordeel (1 Kor 6: 1-11). Die pad van die gelowige is anders. As iemand verkeerd teen jou optree, verdra die onreg. As die Kerk volgens jou op die verkeerde pad is, laat dit aan die Here oor. Jesus Christus is die Hoof van sy kerk. 'n Hofproses kan dalk die saak uitstel, maar dat Christus sy kerk regeer, is waar, en daarom is die uitslag uiteindelik onafwendbaar. Hy sal sorg dat die saak waарoor dit in Beskrywingspunt 54 uiteindelik gaan, staan of val. Of ons vir of teen die besluit is, ons kan die Here daarmee vertrou. Ons hoef nie howe en regters daarvoor te vertrou nie.

Dit is nie die eerste keer in die geskiedenis dat die kerk van Jesus so deur die smeltkroes moet gaan nie. Presies 414 jaar gelede is ongeveer 40 000 Protestantse deur hulle Rooms-Katolieke broeders vermoor. Op 24 Augustus 1572 het die leiers van die Roomse Kerk in Frankryk die leiers van die Protestantse in 'n lokval gelei. In daardie nag en opvolgende dae is die Protestantse regoor Frankryk feitlik uitgewis. Dié wat oorgebly het, moes vlug vir hulle lewens. Daar was moedeloosheid en haat: Hoe kan Christene dit aan mekaar doen?

Deur die genadige beskikking van ons hemelse Vader laat Hy alles ten goede meewerk vir dié wat Hom liefhet. Selfs uit die moord op die Protestantse het God iets goed laat voortkom. Die Franse Hugenote was deel van die bloed van die martelare wat die saad was wat die kerk laat groei het – onder andere ook in Suid-Afrika. So laat God uit die branding van twis en vervolging iets nuuts gebeur.

Laat dit ons gebed wees dat God ook uit die huidige twis en dreigende vervolging van mekaar iets goeds laat voortkom. Mag daar weer 'n tyd kom dat van die Hervormde Kerk gesê kan word dat ons kinders van God is. Kinders van God is vredemakers. Dit is gelowiges wat ten spyte van verskille mekaar vertrou, mekaar vergewe, sover dit van jou afhang in vrede lewe, mekaar in liefde aanvaar, en die groter saak van die eenheid van die kerk en die verkondiging van die evangelie van Jesus Christus stel bo die onderlinge verskille wat ons tydgees op ons afdwing.

Skakels

Webblad van die Hervormde Kerk www.nhk.co.za

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, kliek op www.hervormer.co.za/cancel.html

Dr Daan van Wyk (jr)



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhk.co.za te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep ontvang

- **Ds Leslie Kern** van die Kuruman-kombinasie na Ebenhaézer (Ellisras)

Vakante standplaas

- **Gemeente Sasolburg** beskik oor 'n **vakante volsorgstandplaas**. Predikante met die vermoë om met alle mense, ook kinders, te werk, wat sensitief en vol liefde is, en wat graag wil inskakel by die gemeente, kan aansoek doen. Stuur 'n volledige CV **voor of op 25 Augustus 2011** aan die skriba van die gemeente by nhksasolburg1@absamail.co.za.

PREDIKANTE EN GEMEENTES

- **Ds Theo Janse van Nieuwenhuizen** van Gemeente Witfield **se suster** is Donderdagaand 18 Augustus in die ouderdom van bykans 80 jaar oorlede. Ons innige simpatie gaan aan die familie.
- **Prof Adriaan Pont** is in die hospitaal waar hy 'n rugsenuwee-operasie ondergaan het. Dit gaan onder omstandighede goed met hom. Ons wens hom spoedige en algehele beterskap toe.
- Lidmate wat in die omgewing van **Groot Marico** boer, het enorme skade gely toe groot dele van hul **plase afgebrand** het. Ons doen 'n beroep op ons lesers om dié mense te help met **voerskenkings of selfs geldelike bydraes**. Kontak ds Willem Sauer by 014 503 0023, 079 699 1237 of elwillsauer@gmail.com.
- **Prof Lourens Steenkamp** se **emeritaatsfunksie** vind plaas op Sondag 11 September vanaf 11:00 by Gemeente Makarios, hv Lepelaar- en Nagtelstraat, Birch Acres, Kempton Park. Alle belanghebbendes word hartlik uitgenooi om die funksie by te woon. Na afloop van die verrigtinge sal 'n ligte ete bedien word. Laat weet Martie Pieterse by 074 699 2089 of Beryl de Coning by 083 354 1404 asseblief **voor 2 September** indien u die geleentheid wil bywoon.
- **Ds Carl Potterill** se 25-jaar-ampsjubileum word gevier op Sondag 28 Augustus in Gemeente Erasmia. Oudl Fred Paynter sal namens die Kommissie van die AKV gelukwensings oordra.
- **Die volgende predikante verjaar tot 2 September**, en word hartlik geluk gewens.
 - Donderdag 25 Augustus: Ds Johannes Barnard (beroepafwagtend)
 - Vrydag 26 Augustus: Di Chris le Roux (Stellenbosch/Worcester) en Joseph Steyn (Postmasburg/Uitkyk)
 - Saterdag 27 Augustus: Prof Johan Koekemoer (emeritus)
 - Sondag 28 Augustus: Ds Gert van Staden (emeritus)
 - Maandag 29 Augustus: Di Wynand Rademeyer (Vivo) en Jan van Immerzeel (Silverton)
 - Woensdag 31 Augustus: Ds Koos Naudé (emeritus)
 - Donderdag 1 September: Ds Tertius Hindley (Randfontein Midpark)
- Neem asseblief kennis van **Gemeente Verwoerdburg** se nuwe webbladadres. Dit is www.nhkvwb.co.za.
- **Gemeente Carolina** vier gedurende November hul **75-jarige bestaan**. 'n Feesblad word saamgestel vir publikasie vroeg in 2012. Oudlidmate en ander betrokkenes met foto's en staaltjies oor die gemeente se wedervaringe die afgeloep 75 jaar kan die gemeente se voormalige predikant, ds Hennie Louw, voor einde September by 084 508 7849 kontak. E-pos- en ander besonderhede sal dan aan u voorsien word.
- **Die agenda vir die Buitengewone AKV** wat op 4 en 5 Oktober sitting neem, behoort op 1 September gereed te wees. Die samewerking van ringskribas, predikante en lidmate word weer gevra om die agendas by die Sinodale Kerkkantoor by dr Frikkie Labuschagne en mev Karen Breedt te kom afhaal. Dit sal waardeer word indien enige lidmaat of ampsdraer, veral van verafgeleë ringe, die **hele ring se agendas** kan saamneem. Stuur asseblief so gou moontlik 'n e-pos aan mev Breedt by karen@nhk.co.za met inligting oor wie die agendas sal afhaal (en wanneer). Die agenda sal vanaf Maandag 29 Augustus op die Kerk se webblad by www.nhk.co.za beskikbaar wees en ook aan predikante en gemeenteskribas per e-pos gestuur word.



- **46ste Nasionale NHSV Kongres.** 'n Vriendelike versoek word gerig aan takke wat nog nie reageer het op die oproep na die Kongres nie en nog nie geloofsbriefe ingestuur het nie om dit so spoedig moontlik na die NHSV kantoor te pos. Navrae kan aan die NHSV kantoor by 012 325 0117 gerig word. Die Kongres vind op **6, 7 en 8 Oktober 2011** plaas by Gemeente Wonderboom in Pretoria.
- **Landwye Bybelvasvra.** 9-11 September kamp by Kwaggasrus naby Beestekraal. Koste vir hele kamp R160 en vir dagbesoekers (slegs Vasvra op Saterdagoggend) R50 per persoon. **Deposito's** van R300 per span **voor of op 26 Augustus** en **volledige betaling voor of op 2 September** aan: Raad van Finansies; ABSA; rekening nommer 020 000 287; takkode 632 005; verwysing 16RVGS. Bewys van betaling MOET gestuur word aan: Sarie Roux, faksnommer 086 633 2913, e-pos kassier@nhk.co.za. Vind volledige inligting by www.konteks.co.za → inligting en skakels → Konteks Bybelvasvra.
- **Preekbeurte in Dullstroom.** Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by nhknullstroom@yahoo.com of 072 116 3353.

**Konsentreer op jou beroep.
Ons sal sorg vir jou finansiële beplanning.**

As 'n gegradeerde beroepsmens in eie diens of in diens van iemand anders, het jy baie spesifieke finansiële behoeftes. **Die Cobalt Oplossings vir Professionele Persone** is 'n omvattende reeks oplossings op sake- en persoonlike vlak. Met oplossings soos 'n **Siektevoordeel** en **Inkomstebeskermer** kan jy jou inkomste beveilig selfs wanneer ernstige siekte en ongeskiktheid dit vir jou onmoontlik maak om jou professionele pligte te verrig.

**Alex Heyns**
Finansiële Beplanner
044 873 3009 • 083 628 4043
alex.heyns@4sure.co.za

Sanlam CIO131CS0465BPA
GELISENSIEERDE VERSKAFFER VAN FINANSIELE DIENSTE

 **Sanlam**

- 'n Ruim **enkelwoonstel** is onmiddellik beskikbaar binne stapafstand van die Universiteit van Pretoria. Die woonstel is geleë op die kerkterrein van **Gemeente Philadelphia** en word verhuur teen R3 500 per maand (water en ligte ingesluit). Daar is veilige parkering vir 'n motor. Skakel Esmé Bolton by die gemeentelike kerkkantoor (012 362 7237) of dr Sanrie de Beer (083 226 1866) vir meer inligting.
- **Gemeente Wonderboompoort** beskik oor **blyplek in Eloffsdal**, Pretoria: Huis Eloff (alle ouderdomme). Ruim nuut uitgeverfde kamers met gesamentlike badkamer in gang teen R1 500 per maand vir enkeling. Ingesluit: water en ligte, parkering, gesamentlike kombuis. Naby Mayville Mall en Eugene Marais-hospitaal. Kontak Johan Erickson (jr) by 082 212 2137.
- **LYTTELTON: SELFHELPWOONSTELLE TE HUUR**
(Soos met verblyf in 'n gastehuis)
Privaat
Ruim 2-slaapkamer en 1-slaapkamer
In veilige omheinde gebied in rustige woonbuurt
1,8 km vanaf Unitashospitaal
Sentraal geleë ten opsigte van Centurion-inkopiesentrum en Gautreinstasie
Nutswinkels en restaurante baie naby
Volledig toegerus met huishoudelike benodigdhede en omvattende DSTV
Skakel 082 451 9915 of 084 584 3445

Toere

- **26 tot 30 September: 2011 Konteks-toer na Laeveld**
Onder leiding van **dr Hennie van Deventer**
Skakel dr Van Deventer (toerleier) by 082 786 8448
of Marius Wiese (toergids) by 082 374 2995



Konserte tot einde September 2011

- Vrydag 26 Augustus: Gemeente Krugersdorp-Noord: Jaarlikse Musiekfees**

19:00

Klipkerk, hv Kruger-en Presidentstraat, Krugersdorp

Uitvoerende orrelis Ockie Vermeulen bied aan: Karoo Katedraal

Tydens KKNK 2010 opgevoer

Ook met Lizelle le Roux (viool), Christi-Louise Swanepoel (bas),

JP van Schalkwyk (perkussie) en die F# koor van Attie Rossouw

Al die verskillende musiekstyle, van klassiek, jazz tot rock, op die orrel!

Program duur maksimum 1½ uur

Afsluiting met samesang

Toegang R50

Navrae aan ds Johan of Marita Fourie, 011 953 1402 of 072 278 1456

- Vrydag 9 September: Gemeente Wonderboompoort: Buitelugkonsert**

Die Campbells, Jeanette van Staden (jodel), Robbie Klay en Ollie die Nar

By Laerskool Boerefond, Wonderboom-Suid

Op rugbyveld – bring eie stoel

R60 (kleuters onder 6 gratis)

Hekke open 16:00

Voorkunstenaars tree op tot 19:00, wanneer Die Campbells begin

Kos te koop, veilige parkering

Vir meer inligting en kaartjies, kontak Sieg Schwarzer

by 083 288 2779 of 012 335 4181

of Magda Vermaak by 012 335 1129 of 082 550 2975

Skole, kerke en ander instansies wat help kaartjies verkoop,

kry 20% van die verkope!

- Vrydag 16 September: Gemeente Klerksdorp-Wilkoppies**

Kurt Darren

Vanaf 19:00 by die rugbyveld van Wesvalia-skool

Eerste 250 kaartjies naby verhoog R100 elk; res R80 elk

Kaartjies by Maranata-grasdakke, Vleistraat 50

Kontak 018 468 3769 of 083 449 9907, of George Foley by 083 750 0699

- ALLEN KERKORRELS**

Na 40 jaar van digitale klank –

steeds die leier in orrelbou

Skakel ons vandag vir 'n gratis demonstrasie

Tel 012 991 4930

Faks 086 667 4680

Sel 079 497 2647

E-pos: pieter@allensa.co.za



Sportbyeenkomste

- Dinsdag 30 Augustus: Gemeente Verwoerdburg: Gholfdag**

Diensbane

4-bal-alliansie teen R1 200

Opbrengs vir liefdadigheid

Kontak Gerda by 072 600 5387 vir inskrywingsvorms

Ander kompetisies en fondsinsamelings tot einde September 2011

- Gemeente Volksrust: Aandenkings van 150-jaar-feesviering**

Gedenkalbum R200

Dasse R125

Voorskote R50

Kontak ds Paul Buitendag by 082 853 8900



- **Gemeente Koster: Mosambiekse Vakansiekompetisie**
1ste prys: 'n Vakansie van 1 week by Tofo in Mosambiek – vervoer, alle etes en diepseeuhengel vir 4 persone ingesluit
2de prys: 1 week selfreis en selfsorg by Witsand in die Kaap Kaartjie R50 (koop 10 en kry 1 gratis)
Sluitingsdatum 31 Augustus
Kontak Koos Vorster by 082 403 2518
- **Gemeente Midrand: Superbru Rugby Wêreldbekerkompetisie**
Inskrywingsgeld R50, inskrywings **sluit 9 September**
1ste prys: Ter waarde van R500
2de prys: Ter waarde van R300
3de prys: Ter waarde van R100
Vir meer inligting, stuur e-pos aan **MidrandSuperbru@gmail.com**
- **Gemeente Noordelike Pretoria: 4de Biltongaand: Saterdag 10 September**
18:30 vir 19:00
NG gemeente Wonderboom-Suid, 12de Laan 920, Wonderboom-Suid
GPS S 25°41'57.8" en O 28°12'20.6"
Rudi van Niekerk en plaaslike kunstenaars
R100 volwassenes en R50 kinders onder 12
Kontak Sarel Viljoen by 083 554 3397 of Marian Jordaan by 082 937 7562
Bespreking voor 3 September noodsaaklik – geen kaartjies by deur beskikbaar

Basaars en markte tot Oktober 2011

- **Vrydag 26 Augustus: Louis Trichardt Tehuis: Aandmark**
Vanaf 16:00
Danweg 127, Danville
Lewendige musiek en heerlike eetgoed (koek, nagereg, vetkoek, kerrie-en-rys)
Handwerktafel en vele meer
Kom ondersteun die Tehuis ten bate van ons bejaardes!
Vir meer inligting, kontak Marie Hunter by 012 386 5310
- **Vrydag 26 Augustus: Gemeente Bethal: Basaar**
Vanaf 16:00
Kerkterrein in Vermootenstraat (Tsibitso Sibanyoni-straat)
Gebak, vleis, vermaak, spesiale afdeling net vir kinders
Kontak Rina Prinsloo by 082 507 0700
- **Saterdag 27 Augustus: Gemeente Ottosdal: Oesfees**
Outydse basaar met pannekoek, poeding, ens
Vir fietsryers: afstande van 5, 10 en 30 km teerpad
Vir kleinspan: skopfietswedren
Karolus en Lente vermaak oud en jonk
Toegang gratis
Neem deel aan Oesfeeskompotisie teen R20 –
kontak Adri Botha by 082 403 5051 of **arbotha.adri@gmail.com**
Week vakansie vir 6, Wii (rekenaarspeletjie) en slagskaap te wen
- **Saterdag 27 Augustus: Gemeente Premiermyn (Cullinan)**
OPPI-STASIE WARM WINTERFEES
By Cullinan-stasie, oorkant Cullinan-polisiestasie
09:00 tot 15:00
Alles waaraan jy kan dink of kan verslind
Soek jy waarde vir inflasiegeld?
Kom koop eetgoed, smulgoed, tot 'n haakspeld
Vir stalletjiebespreking, kontak Alta by 082 682 1252 of Annetjie by 082 921 8200
E-pos: **nhkpm@absamail.co.za**
- **Saterdag 27 Augustus: Gemeente Bronkhorstspruit: Geskenkemark**
Bespreek stalletjie vir die dag
Koste per stalletjie R150 (R180 indien 'n kragpunt benodig word)
Kontak Alta Bester by 082 936 5289



- **Saterdag 27 Augustus: Gemeente Mafeking: Basaar**
Tema: *Kamma-kamma-fees*
Kerkterrein in Nelson Mandelaweg
Lichvaal Stereo se buiteuitsending eenheid saai uit vanaf basaar en sorg vir musiek en vermaak
R50 per inskrywing vir groot pryse soos R10 000 kontant
Navrae aan Adriaan Redelinghuys by adriaanred@yahoo.com of 082 789 1523
- **Vrydag 2 September: Gemeente Swartkop: Basaar**
Kerkterrein, Irelandlaan, Eldoraigne, Centurion
Tema: *Rondom die wêreld in 80 dae*
Kuns- en handwerk te koop, witolifantstalletjie en tombola
Baie eetgoed, springkasteel en spookhuis vir die kleintjies
Klimmuur vir groter kinders
Heerlike saamsing om die kampvuur
Veilige parkering
Skakel Van Rooy van den Berg by 072 199 3900
- **Vrydag 2 en Saterdag 3 September: Gemeente Messina: Limpopofees**
Vrydag vanaf 16:00: Pretdraf / pretstap
Alle ouderdomme, baie pryse
Potjiekos, hamburgers, worsbroodjies en koeldrank te koop
Saterdag vanaf 08:00: Stalletjies, verskeidenheid smulgoed, speletjies en tombola
Vleis en biltong teen laer as slaghuispryse, groente en vrugte
Trompoppies van die laerskool, Mej Limpopo met 3 kategorieë
Miss Petite 3-6 jaar, Mej Junior Limpopo 7-13, Senior Mej Limpopo 14-18
Inskrywingsvorms by Noena Oosthuizen 084 452 0321
Luister hoe sing legendariese oom Willie Agenbach en sy groot vriend!
Kontak ds Eddie Eckard by 082 958 9095, Johan Taute by 079 209 6236, of gemeentelike kerkkantoor by 015 534 2756 of 083 720 4127
- **Vrydag 2 en Saterdag 3 September: Gemeente Tzaneen: Lentekarnaval**
Kerkterrein in Agathastraat
Baie eetgoed en verskeidenheid stalletjies
Vrydag: Vanaf 12:00
Gaskunstenaar 18:00 Will Jordan, Countrysanger
Toegang gratis, aandete beskikbaar (wild, afval, ens)
Saterdag: Ontbyt, trompoppies, aanwys van Mej/Mev Lentefees, kompetisies, vermaak en baie kos
Kontak ds Richard van der Westhuizen by 072 1447 514 of Emmarentia Buitendag by 015 307 4508, 083 438 2230 of nhkerktzn@mweb.co.za
- **Saterdag 3 September: Gemeente Bothaville: Kaboemielie Basaar**
Kom geniet 'n spesiale dag saam met die gemeente
Braaivleis, tuisgebakte brood, kinderland, lekker boereontbyt en vele meer
Kan nie wag om julle daar te sien nie!
Kontak ds Hennie Pretorius by 082 374 2398
- **Saterdag 3 September: Gemeente Hartebeestpoort: Basaar**
08:30 terrein in Brits oorkant stadsaal
Tema: *Boerepleisier*
Gaskunstenaars Bosveld Stereo en Omroepers
Skaapkoppe, tonne vleis en groente, allerlei lekkernye te koop
Boerekaperjolle
Veiling en kompetisies
Navrae aan gemeentelike kerkkantoor by 012 252 4315
- **Saterdag 3 September: Gemeente Sasolburg-Suid: Vendusie en Minibasaar**
09:00
Groblerstraat (langs Coney Island)
Groot verskeidenheid goedere (muureenhede, TV's, hoëtroustellé, verwarmers...)



Eetgoed te kies en te keur
Skakel 016 973 2147

- **Saterdag 3 September: Gemeente Witfontein: 8ste Delwersfees**
hv Stasie- en Deetlefsstraat, Pretoria-Noord
Vermaak vir hele gesin
Pryse beloop R73 000
R35 000 kontant, 1ste prys R15 000
Diamante ter waarde van R38 000
Vlugbalkkompetisie: Jeuggroepe kan wegloop met R1 000 prysgeld
Delwerssertifikate teen R20 beskikbaar by al die myners (lidmate) van Witfontein
Besoek www.witfontein.co.za, kliek op *delwerssertifikate*
en koop sertifikate elektronies
Sien meer by <http://www.youtube.com/watch?v=87sYHRwu-Vo>
of soek op www.youtube Witfontein Delwersfees 2011
Kontak At van Rooyen (mynkaptein) by 083 228 9095
of arthur.vanrooyen@gmail.com
- **Saterdag 3 September: Gemeente Koster: Koster-karnaval**
Skool se sportgronde
Uitstallings, baie eetgoed, verskeie sportsoorte
Bespreek stalletjie vir die dag
Koste per stalletjie R300
Wiele – uitstalling van GWM
Veiling van Persiese Matte en Boplaas-wyne
Skakel Harry Smit by 082 807 9208
- **Saterdag 10 September: Gemeente Meyerspark: Basaar**
Kerkterrein Havelockstraat 15, Wilgerpark
Potjieskoskompetisie met groot prys
Kuns- en handwerk te koop, witolifantstalletjie en tombola
Baie eetgoed, springkasteel vir die kleintjies, gladiator-glybaan vir groter kinders
Veilige parkering
Kom stal u kuns- of handwerk uit – bespreek tafel binne saal vir R250
en R150 vir buite
Skakel Marie by 012 803 7528 of 071 889 2175
- **Saterdag 24 en Sondag 25 September: Gemeente Heilbron**
Karnaal- en Nagmaalnaweek
Val saam met gemeente se 100-jaar-viering
Verskeie ander projekte ook, meer besonderhede later
Uitnodigings sal aan eregaste gestuur word
Kontak ds Herman Gothan by 058 853 1174, 082 773 4740 of hfg@risp.co.za
- **Saterdag 24 September: Gemeente Leeudoringstad: Doringfees**
09:00
Heerlike dag met basaarlekkernye en die beroemde Monati-sosaties
Met Thys die Bosveldklong
Toegang gratis
Kompetisiekaartjies R50
1ste prys: R5 000 kontant – indien teenwoordig met trekking R10 000 kontant!
2de prys: 2 slagskape
3de prys: R1 000 vleisbewys
Troospryse
Kontak Berno Robinson by 082 395 9241
- **Vrydag 30 September tot Sondag 2 Oktober: Gemeente Zeerust**
Bosrumoer MTB Classic
Doornrivier, 9 km op Gaberone-pad R49
Vrydag Oktober-Bierfees
Saterdag kwadfiets- en pypkar-wedrenne, kompetisies, vermaak en kos
Akkommodasie beskikbaar
Navrae aan ds Barrie Oberholzer by 082 211 7926 of barendob@gmail.com
of Joe Salim by 079 857 2478 of jmsplanning@gmail.com



- **VAKANSIEVERHURING: HEROLDSBAAI**
Huis met praguitsig in sekuriteitskompleks
Te huur van 15 September tot 16 Desember
en weer vanaf 7 Januarie
3 slaapkamers, 2 badkamers, binnebraaiplek, groot stoep, ontspanningsarea,
waskamer en enkelgarage
Slaap 6 tot 8 persone
R950 per nag, elektrisiteit uitgesluit (koopkrag)
Bykomende woonstel (slaap 4) ook te huur teen R450 per nag
Minimum verhuringstydperk 7 nagte
Duvets en kussings word voorsien
Foto's op aanvraag beskikbaar
Deposito 50% by besprekking
Kontak Elise Heyns by 076 137 8903 of elise.heyns@gmail.com

ANDER NUUS

- **STEINWAY D-274.** Die Konservatorium van die Nederduitsch Hervormde Kerk beskik oor 'n Steinway Model D-274 **konsert-vleuelklavier** – reeksnommer 332969 – en bied dit **te koop** aan. Die vleuelklavier kan besigtig word by die Sinodale Kerkkantoor te Dirk van Hoffgebou, Jacob Maréstraat 224, Pretoria. Besigtiging moet asseblief per afspraak met mnr Piet Beukes by 012 322 8885 of per e-pos by piet@nhk.co.za gereël word. Tenders moet gerig word aan mnr Piet Beukes, Posbus 2368, Pretoria 0001 of piet@nhk.co.za. Sluitingsdatum 15 September 2011.
- **DPS-STELSEL. Vakature vir pleegouers in die DPS-huis Potchefstroom.** Datum van diensaanvaarding gedurende Desember 2011 maar verkieslik nie later nie as 1 Januarie 2012. **Aansoeke sluit op 16 September 2011.**

Vereistes: Getroude egpaar; verkieslik tussen 40 en 55 jaar oud; lidmate van die Nederduitsch Hervormde Kerk; goeie gesondheid; aanvoeling vir kinders.

Vergoeding: Suksesvolle ouers sal benewens 'n maandelikse kontantvergoeding en mediese voordele, gratis inwoning binne die DPS-huis ontvang.

Vir meer inligting, kontak dr Koos Engelbrecht by 012 322 8885 (w) of 079 884 2880, of ds Willem Kok by 018 294 4187 of 083 664 0058.

- **Die Ondersteuningsraad** bied vanjaar weer vir 'n week tydens die September-skoolvakansie hul **kamp vir ongeveer 80 hulpbehoewende kinders** aan. Maatskaplike werkers van die Raad behartig terapeutiese groepsessies, en studente van Gemeente Philadelphia help met rekreasie en sportaktiwiteite. Fondse word benodig vir die kampterrein, vervoer, drie etes per dag, materiaal vir die rekreasie en sportaktiwiteite, ensovoorts. Die **berekende koste beloop R800 per kind** vir die hele week. **Persone wat graag 'n kind of twee wil borg**, kan met Suzanne van Deventer van die Ondersteuningsraad se Pretoria-kantoor by 012 325 2320 in verbinding tree.

- **Die Ondersteuningsraad** beskik oor die volgende **vakatures**:

- Programbestuurder; mimimum 6 jaar statutêre ervaring in maatskaplike werk; vorige bestuurservaring sal 'n aanwins wees; area Rustenburg/Potchefstroom/Klerksdorp
- Maatskaplike Werkers (x3); areas Tarlton, Krugersdorp en Brakpan
- Maatskaplike Hulpwerker; area Krugersdorp

Vereistes: Registrasie by Raad vir Maatskaplike Diensberoep; Kode 8-bestuurslisensie. Kontak Mariaan Steenkamp by mariaans@nhk.co.za of Charmaine Fourie by oraadpb@nhk.co.za, 012 322 8885 x313 of 071 684 7796.

- **Die Ondersteuningsraad** soek dringend na **goedversorgde tweedehandse voertuie** van ongeveer R50 000. Die kilometerlesing moet verkieslik nie meer as 100 000 wees nie. Lidmate wat bewus is van beskikbare voertuie kan Mariaan Steenkamp skakel by 012 322 8885. Slegs voertuie in die omgewing van Pretoria sal oorweeg kan word.

- **Vrydag 2 September: Loslitdag**

Maak **R10-donasië** deur 'n **plakker te koop** en op dié dag te dra

Wys jou ondersteuning vir persone met gestremdhede

Besoek www.loslitdag.co.za

of kontak Arina Jooste, Transoranje Instituut vir Buitengewone Onderwys (TOIBO), by 012 320 7644

- Die volgende vergaderings vind tot 2 September plaas. Betrokkenes moet hulself asseblief vergewis van die korrekte vergadertye en lokale.
 - Vrydag 26 Augustus: Raad van Finansies
 - Donderdag 1 September: Raad vir Pastoraat en Presbiteraat
 - Vrydag 2 September: Predikantepensioenfonds



Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word.

Dit bestaan hoofsaaklik uit teks (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Die teks moet saam met die bewys van betaling gestuur word aan mev Tessa Oppermann, per e-pos na **produksie@nhk.co.za**, of per faks na 086 633 4059 of 012 322 7906. GEEN advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskynning. Die e-Hervormer word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R114 per plasing.**

Die verskuldigde bedrag moet uitgemaak word aan:

Raad van Finansies

ABSA Bank

Tjekrekening nommer 020-000-287

Takkode 632-005

Verwysing: u naam + e-Hervormer Ads

AGTERBLAD

Dringende versoek

Ons oorweeg om die drukkersvriendelike weergawe van die e-Hervormer uit te faseer, en net die volledige weergawe te versprei.

Kyk asseblief by www.hervormer.co.za → e-Hervormer → argief na die twee weergawes, en laat weet dr Wouter van Wyk dringend by wouter@nhk.co.za indien u steeds die drukkersvriendelike weergawe verkies.

Dankie by voorbaat!